

videaris reprehensionem aliquam similem illi Annibalis perstringentis Phormionem, quod de bellandi ratione multis differeret, qui nullo unquam praelio conflisset. Video omnino, lector beneuole, eam mihi necessitatem imponi, ut instituti mei rationem paucis apud te exponam; unde id spero me consecuturum, ut & ipse temeræ susceptæ scriptionis suspicionem interuertam, & tu statuere possis, sitne aliquis fructus tibi ex hoc labore nostro sperandus, an desperandus omnino. Expediam ergo paucis quid sit. Cum ante septennium in Academiam Heidelbergensem venirem, videremque eò loci me diuinitus delatum, quod ad sacra Theologiæ studia commodiorem alium reperire non possem, eam studiorum rationem ineundam existimaui, ut Theologica cum Philosophicis coniungens, Ecclesiæ simul ac scholis, quod reliquum esset vitæ destinarem, Deumque ita, quomodo vocaret, sequeretur. Quocirca audiui non tantum in Academia docentes clarissimos Theologos, sed & in Ecclesia concionantes incomparabiles illos viros, quibus præ aliis Germania urbibus Heidelbergam præcipue donatam atque ornata diuinitus animaduvertebam; in primis verò